

## **MEMBINA DAN MEMBENTUK MASYARAKAT CEMERLANG MELALUI 4 BIDANG TUMPUAN**

### **MENGUKUHKAN IMAN, MENGHAYATI ISLAM**

#### **STRATEGI**

Penyegaran program pembelajaran agama

Menyediakan program dakwah dan pembelajaran agama merupakan khidmat teras masjid. Cabaran sekarang adalah untuk memastikan program tersebut kekal relevan dengan keperluan masyarakat. Program sedemikian haruslah mudah dan menarik. Kita harus membimbing para pelajar bukan hanya ilmu teori tetapi juga untuk mengamalkan Islam sebagai cara hidup sempurna dalam konteks kehidupan moden hari ini.

#### **CARANYA**

1. Menyediakan program sesuai dengan keperluan lapisan masyarakat yang berbeza iaitu
  - kanak-kanak
  - belia
  - dewasa
  - warga emas
  - golongan tidak berbahasa Melayu

Pengisian ilmu agama tidak berubah tapi pendekatan kita mengajar ilmu harus sesuai dengan kemampuan dan gaya belajar golongan yang berbeza. Gaya belajar dan pemahaman seorang anak kecil berbeza dari orang dewasa. Kami telah menyemak program madrasah untuk anak-anak dan remaja dan akan meneruskan semakan ke atas program taklim untuk orang dewasa. Kami juga akan memberi perhatian kepada keperluan pembelajaran agama untuk golongan yang tidak berbahasa Melayu.

2. Melaksana Sistem Pendidikan Islam Singapura - sebuah inisiatif Muis

Muis telah memperkenalkan Sistem baru ini pada Dis 2004 dengan program Teens and Kids aLIVE dan akan dilanjutkan untuk belia dan orang dewasa pada masa akan datang. Program ini dibentuk sesuai dengan keadaan dan keperluan masyarakat Islam Singapura dalam konteks hidup masa kini. Sistem baru ini akan mengambil-alih sepenuhnya dari sistem madrasah separuh masa sekarang.

3. Menggalak khidmat belajar asas agama di rumah-rumah bersama rakan-kongsi

Supaya pembelajaran dapat sampai kepada mereka yang tidak berkesempatan untuk kerap ke masjid, kami akan bekerjasama dengan kumpulan qaryah dan sukarelawan untuk menjalankan program asas agama dan iqra di rumah-rumah.

4. Melengkap pelajar masjid dengan
  - kemahiran menyampaikan dan membimbing agama kepada ahli keluarga dan rakan-taulan
  - nilai-nilai hidup, akhlak dan peradaban Islam

Di antara cabaran dakwah dan pembelajaran agama adalah untuk menyampaikannya kepada seberapa ramai anggota masyarakat. Kami akan menyediakan para pelajar masjid dengan kemahiran untuk menyampaikan agama dan membimbing ahli keluarga dan sahabat handai. Kami juga akan menekankan pentingnya menghayati agama dan peradaban supaya mereka dapat berinteraksi dengan lebih yakin lagi dengan masyarakat umum.

## **MEMBENTUK PERIBADI**

### **STRATEGI 1**

Memerakan masjid dan belia

Masyarakat Melayu-Islam mempunyai kadar belia yang terbesar dibandingkan dengan kumpulan masyarakat lain di Singapura. Mereka merupakan aset penting maka potensi mereka haruslah dibangunkan sepenuhnya. Kami akan menumpukan perhatian ke atas galakan hidup beragama dan pembentukan sifat dan peribadi murni serta harga diri supaya mereka berbangga menjadi seorang Muslim.

### **CARANYA**

1. Memberi ruang dan peluang utk belia mengurus program masjid

Kami akan menarik kaum belia dan memanfaatkan kekuatan dan tenaga mereka untuk mengurus inisiatif dan projek untuk faedah masyarakat.

2. Menyediakan kemudahan dan program di masjid untuk belia selepas masa sekolah

Melalui kemudan dan program ini, kami ingin menarik lebih ramai pelajar sekolah untuk memenuhi masa lapang selepas sekolah di masjid untuk kegiatan yang berfaedah.

3. Membentuk kumpulan pembimbing belia

Kami akan membentuk satu kumpulan pembimbing untuk merapati para belia di dalam dan luar masjid. Mereka akan membimbing dan memperkasa para belia untuk hadapi cabaran hidup masa kini.

4. Menjalinkan hubungan dengan belia di luar melalui rakan-rakan kongsi

Melalui rangkaian bersama badan dan institusi luar, kami ingin menjalin hubungan dan merapati lebih ramai belia yang belum ke masjid.

5. Membentuk Pusat Khidmat Belia di luar masjid

Strategi jangka panjang kami adalah untuk membentuk satu pusat khidmat belia di luar masjid untuk membantu mereka yang belum bersedia datang ke masjid.

## STRATEGI 2

Membina keluarga berjaya

Keluarga adalah institusi asas yang menentukan kejayaan seseorang individu, sesebuah masyarakat bahkan negara. Kita perlu menggalakkan hubungan keluarga yang erat dan makmur.

### CARANYA

1. Menyediakan kemudahan dan program berkonsepkan keluarga di masjid

Di antara cabaran untuk kaum ibubapa menyertai kegiatan masjid adalah mendapatkan khidmat jagaan anak-anak di rumah. Kami akan menyediakan kemudahan keluarga datang menyertai kegiatan di masjid melalui khidmat penjagaan kanak-kanak dan program bersepadu yang melibatkan ibubapa dan anak-anak dalam program berbeza tetapi dijalankan serentak.

2. Menjalankan program bantu-diri bersama rakan-kongsi untuk

- Keluarga susah
- Keluarga/pasangan muda

Bersama rakan-rakan kongsi, kami akan menjalankan program bantuan dan sokongan untuk keluarga susah dan pasangan/keluarga muda supaya dapat membangunkan anak-anak mereka mengikut potensi dan membina keluarga harmoni.

3. Membentuk kumpulan pembimbing keluarga

Banyak keluarga yang datang mendapatkan bantuan dan sokongan. Kami akan membentuk satu kumpulan pembimbing untuk membantu keluarga tersebut.

4. Membangun sepenuhnya **Famili Makmur** menjadi Institusi Kehidupan Berkeluarga

Pusat Kehidupan Berkeluarga kami, Famili Makmur, yang dilancarkan pada Sep 2003 akan dibangunkan sepenuhnya menjadi institusi menggalak kehidupan berkeluarga.

## STRATEGI 3

Menggalak kesedaran sivik dan berkongsi cabaran masyarakat

Masyarakat kita menghadapi cabaran sosial yang semakin bertambah dalam kehidupan moden sekarang. Peranan memberi bantuan dan sokongan sosial tidak hanya di bahu institusi rasmi, malah harus dikongsi sama oleh semua anggota masyarakat.

### CARANYA

1. Menggalak penubuhan kumpulan bantu-diri dan sekepentingan di kalangan jemaah dan masyarakat

Kami akan menarik lebih ramai untuk tampil membentuk kumpulan bantuan sosial secara sukarela seperti kumpulan sokongan ibubapa, kumpulan belia lasak dan kelab hidup sihat.

2. Menggalak lebih ramai menjadi sukarelawan masyarakat

Kami mahu lebih ramai sukarelawan untuk tampil ke hadapan menjalankan program dan inisiatif baru untuk membangunkan masyarakat. Kami juga akan menggalakkan masyarakat Muslim untuk menyumbang tenaga kepada kegiatan yang memaanfaati masyarakat umum tidak kira bangsa dan agama untuk meningkatkan keyakinan sesama sendiri.

## **MENINGKATKAN HUBUNGAN SESAMA INSAN**

### **STRATEGI 1**

Memerakan masjid dan masyarakat Islam

Masjid bukan hanya tempat ibadah tetapi merupakan satu institusi utama untuk pembangunan negara, menggalakkan hidup harmoni dan kesefahaman antara kaum di Singapura. Kita harus bersedia untuk membuka masjid kita kepada masyarakat bukan Islam supaya mereka dapat mengenali dan memahami Islam dengan lebih dekat.

### **CARANYA**

1. Memperteguh hubungan antara masjid dengan qaryah dan golongan berkepentingan

Kumpulan qaryah akan menjadi rakan kongsi utama untuk membantu menjalin hubungan dengan masyarakat di luar masjid melalui program agama dan kemasyarakatan atas dasar gotong-royong. Golongan sekepentingan masjid pula penting untuk memakmurkan masjid. Kami akan sering berunding dengan mereka untuk mendapatkan maklumbalas agar program dan khidmat masjid dapat dipertingkatkan.

2. Membentuk kumpulan duta/wakil masjid

Aktivis masjid adalah duta atau wakil kami. Mereka menjadi jurucakap masjid dan mendengar pandangan dan maklumbalas orang ramai supaya kami dapat lebih memahami aspirasi masyarakat.

3. Menyediakan kemudahan dan khidmat mesra-warga emas

Warga emas merupakan golongan yang kaya dengan pengalaman. Kami ingin mereka menjalani kehidupan yang aktif dan dapat menyumbang kepada masyarakat melalui masjid.

4. Meluaskan kemudahan kepada golongan Muslim tidak berbahasa Melayu

Kami akan memudahkan golongan Muslim tidak berbahasa Melayu menyertai program dan memanfaatkan khidmat masjid melalui penggunaan bahasa Inggeris dan bahasa ibunda mereka.

### **STRATEGI 2**

Menyampaikan Islam kepada masyarakat umum

Agama Islam tidak terbatas kepada masyarakat Islam saja. Golongan bukan Muslim juga berhak mengetahui agama dan kita harus menyediakan peluang untuk mereka mempelajari Islam.

### **CARANYA**

Membentuk Pusat Maklumat untuk

- meningkatkan kefahaman Islam kepada masyarakat bukan Islam
- menyampaikan Islam melalui media dan teknologi info-kom
- menghubungkan masyarakat dengan institusi Islam luar

Melalui pusat ini, kami akan menjalankan program untuk meningkatkan pemahaman Islam di kalangan masyarakat am. Ia akan juga menggunakan teknologi dan media untuk menyampaikan agama kepada semua.

### **STRATEGI 3**

Meluaskan jaringan masjid dengan masyarakat umum

Kita adalah sebahagian dari masyarakat Singapura yang tidak harus hidup terpisah. Masyarakat awam wajar diberi peluang untuk memahami aspirasi kita supaya mungkin dapat menyokong dan membantu kita. Kita harus keluar dari masjid untuk berkongsi sama aspirasi ini dan menjalin persahabatan dengan semua.

#### **CARANYA**

1. Menjalinkan usaha-sama dan perkongsian sumber dengan institusi luar dalam projek kemasyarakatan

Kami akan bekerjasama dengan institusi luar untuk menganjur program yang berfaedah untuk semua. Kami akan juga akan menyalurkan jemaah masjid untuk memanfaatkan kemudahan dan khidmat yang berfaedah di luar untuk faedah mereka dan menggalakkan interaksi.

2. Membentuk dan memasarkan jenama MDM

Kami akan menganjurkan lebih banyak program di luar supaya masjid dapat dikenali masyarakat umum.

3. Menjadikan MDM sebagai sebuah mercu tanda dan ikon di kalangan warga Yishun

MDM harus dikenali dan dibanggai oleh semua penduduk Yishun sebagai institusi penting masyarakat.

Jenama Masjid – ***Masjid tanpa sempadan***

Sumbangan masjid tidak harus dibatasi oleh sempadan fizikal masjid. Setiap anggota masyarakat tidak kira bangsa dan agama seharusnya dapat manfaat dari masjid sesuai dengan agama Islam sebagai rahmat kepada sekalian alam.

Jenama Warga Masjid – ***Hayati Islam***

Warga masjid haruslah menghayati agama supaya Islam hidup dan keindahannya dapat dirasai dan dimanfaatkan semua.

## **MEMBINA KEUPAYAAN KAMI**

### **STRATEGI 1**

Membina budaya belajar

Agama menggalakkan pembelajaran dari buaian ke liang lahad.

### **CARANYA**

1. Menghidupkan budaya belajar sepanjang hayat di kalangan warga kerja masjid

Warga kerja masjid haruslah menghidupkan budaya belajar sepanjang hayat sebagai contoh terbaik kepada masyarakat dan dapat memberi khidmat lebih baik.

2. Berkongsi pengetahuan dan kepakaran di dalam dan di luar masjid

Banyak yang boleh dipelajari dan kongsi sama dari golongan pakar di kalangan masyarakat. Berkongsi sama ilmu dan pengalaman akan mengayakan kita.

3. Meningkatkan penguasaan bahasa Inggeris di kalangan asatizah masjid

Asatizah kami adalah tulang utama dalam menjayakan program masjid. Mereka mestilah serba boleh dan sentiasa memahami keadaan sekeliling. Penguasaan bahasa Inggeris akan dapat memudahkan mereka berkhidmat dan berhubungan dengan semua pihak dengan lebih berkesan.

4. Mengukuhkan kerohanian warga kerja masjid

Rohani yang kukuh akan menjadi jasmani dan akal yang sihat.

## **STRATEGI 2**

Memaksimum sumber

Walaupun sumber masjid terbatas tapi ia harus digunakan sepenuhnya.

### **CARANYA**

1. Menyertai usaha-sama Muis/masjid-masjid dalam Pusat Kongsi Khidmat dan Sistem Masjid Berkelompok

Kami akan bekerjasama dengan Muis dan masjid-masjid dalam inisiatif baru ini dalam perkongsian sumber untuk mendapatkan skala ekonomi yang lebih besar.

2. Mengoptimum penggunaan ruang, kemudahan dan sumber masjid

Bangunan dan kemudahan masjid bernilai jutaan dolar maka harus digunakan sepenuhnya untuk memberi pulangan yang lebih besar kepada pelaburan (akhirat) masyarakat.

3. Mengguna dan mengurus dana dengan telus dan berhemah

Kami ingin pastikan setiap dolar yang disumbangkan ke masjid akan memberi faedah terbesar kepada masyarakat. Kami juga akan telus dalam pengurusanannya.

4. Menarik bakat dan sumber kepakaran untuk berkhidmat di masjid

Kami akan menarik lebih ramai golongan bijak pandai dan berbakat dari kalangan masyarakat kita untuk menyumbang bakti di masjid.

## **STRATEGI 3**

Menuju ke arah kecemerlangan

Agama menggalakkan kecemerlangan dalam setiap perjuangan kita untuk mendapat keredaaan Allah. Yang penting bukan hanya hasil usaha tapi usaha yang dijalankan itu sendiri. Kami harap usaha menuju kecemerlangan ini akan menjadikan MDM sebagai masjid contoh, sebuah institusi Islam cemerlang yang dibanggai masyarakat.

### **CARANYA**

Melaksana sepenuhnya Sistem Masjid Cemerlang

MES ialah satu sistem pengurusan dibangunkan oleh Muis untuk membantu kami mengurus masjid dengan lebih baik. Kami akan melaksanakan sepenuhnya sistem ini untuk menjadikan MDM sebuah institusi cemerlang.